



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-_____/14
Datum: _____.2014. godine

Na osnovu člana 7. tačka g) Uputstva o utvrđivanju kvalifikacije, broja i imenovanju članova izborne komisije osnovne jedinice izborne jedinice u Bosni i Hercegovini ("Službeni glasnik BiH", broj 9/10, 37/10 i 74/11) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na ___sjednici održanoj _____.2014.godine donosi

R J E Š E N J E
o imenovanju općinske izborne komisije

I

Imenuju se 4 člana Općinske izborne komisije na mandatni period od 7 godina, u sljedećem sastavu:

1. Kanita Gredelj, predsjedavajuća
2. Smajo Ćeman, član
3. Dijana Brkić, član
4. Mejra Hrnjić, član

II

Zadatak Komisije iz tačke I ovog rješenja je da:

nadgleda i kontroliše rad Centra za birački spisak iz člana 3.8 Izbornog zakona BiH; određuje biračka mjesta na području općine za glasanje na svim nivoima vlasti u Bosni i Hercegovini; provodi postupak imenovanja, imenuje i obučava članove biračkog odbora; brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini; obavještava birače o svim informacijama neophodnim za provedbu izbora, u skladu sa propisima Centralne izborne komisije BiH; odgovorna je za uređenje biračkog mjesta i druge tehničke pripreme za izbore; odgovorna je za pravilno brojanje glasačkih listića na biračkim mjestima i u općinskim centrima za brojanje; objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH; obavlja druge poslove u skladu sa zakonima, kao i propisima Centralne izborne komisije BiH.

III

Komisija ostvaruje pravu na stalnu mjesečnu naknadu za svoj rad.

Visinu naknade utvrđuje Centralna izborna komisija BiH svojim propisom, tako da se u izbornom periodu ona isplaćuje najviše u visini isplaćenog paušala vijećnika u osnovnoj izbornoj jedinici, a izvan izbornog perioda 30% od tog iznosa.

IV

Ovo rješenje stupa na snagu narednog dana od dana objavljivanja u "Službenom glasniku Općine Tešanj", a primjenjivat će se od dostavljanja saglasnosti CIK-a.

PREDSJEDAVAJUĆI VIJEĆA
Fuad Šišić, dipl. ing.maš.

OBRALOŽENJE

PRAVNI OSNOV

- član 2.12 stav (5) i stav (9) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13),
- član 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj 9/10, 37/10 i 74/11),
- član 14. Statuta Općine Tešanj ("Službeni glasnik Općine Tešanj" broj 11/07).

RAZLOZI ZA DONOŠENJE

Općinsko vijeće Tešanj na 16. sjednici održanoj 27.02.2014.godine donijelo je Odluku o objavljivanju Javnog oglasa za imenovanje članova Općinske izborne komisije Tešanj, kao i Rješenje o imenovanju komisije za provođenje postupka za imenovanje članova općinske izborne komisije u sljedećem sastavu: Rasim Omerbašić, Irnela Čolić, Jasmin Bajraktarević, Almir Bedak i Lejla Galijašević. U prilogu rješenja dostavljaju se izvještaji Konkursne komisije.

Komisija je tokom izbornog postupka i obavljenog intervjua ocijenila da su kandidati koji su predloženi za imenovanje najviše iskazali znanja iz poznavanja Izbornog zakona BiH, te iskazali svoje komunikativne i kreativne sposobnosti za savjesno, odgovorno, samostalno i odlučno obavljanje poslova iz nadležnosti Općinske izborne komisije, te na osnovu toga predlažemo Općinskom vijeću usvajanje prijedloga rješenja.

PREDLAGAČ

Komisija za provođenje postupka za imenovanje članova Općinske izborne komisije

Rasim Omerbašić, dipl.politolog

Broj: 01-05-3-289-35/14

Datum: 16.04.2014. godine

